

七世祖庐山府君实录

七世祖讳兢（老谱一名敬孙）号庐山淮州知府玮之子也官授開州刺史大夫先世义门至唐僖宗朝已六世未分长幼七百余口不畜婢妾人无间言每食必群坐广堂未成童者别为一席有犬百余共一牢食一犬不至诸犬亦皆不食建书楼以延四方之士乡里率化宋太平兴国七年恩恤义门敕免沿徵物色徭役钦承朝渥里闾光辉至公之世子姓益眾淳化元年江州知州唐戩奏允每岁贷粟二千石至道三年赐御书三十二卷并真良家三大字命造御书楼赐扁曰玉音又赐知守宗希彦成延继公汝才思十二字以为世次排行流芳不息庆历四年宣公入朝赐御雀醇酒使举家三千七百余口一一遍知其味是时义居应举而登科者四百有三人廊署之在朝者深逊而下十有八员当路刺史司马参军县令者珪疇而下

二百有九员簪纓纍纍指不勝屈于戲何其盛也伊古以來世家大族聲施爛如者有之然或一再傳而家漸式微箕裘莫紹豈非以保世滋大篤慶錫光夏夏乎其難之公則丕承先緒佑启后昆合三千七百余口之子若孫濟濟一堂共敦孝義宜乎纍膺綸悖式化里閭朱子云唐虞有君臣成周有父子陳蔡有師弟江州有兄弟誠哉是言也至今查閱老譜合稽史書不禁穆然深思睪然高望云